



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 131. Legatus gloriose Romam redux

[urn:nbn:de:hbz:466:1-66459](#)

Sæcul. XV expeditio sistebat in expugnatione
A C 1472. Ataliæ Pamphiliæ urbis, cuius portum
Christianorum copiæ occuparunt (*), unde factum, ut Turcarum exercitus reinfec-
ta pedem referre compellebatur. Hoc perfecto Regiæ Neapolitanæ classis Præ-
fectus Autumno ad finem vergente cum
suis navibus domum recessit; Legatus ve-
ro Pontificius & Mocenigus, unacum Ve-
netorum navalii Prætore, priusquam ini-
quiora hyemis tempora ingruerent, egre-
gium quoddam facinus edere statuebant.
Quocirca Smyrnam Joniæ urbem ex in-
opinato aggrediuntur, accurrentem in
auxilium Præfectum urbis conserta pu-
gna profligant, & opima præda onusti
recedunt.

§. CXXXI.

Legatus gloriose Romam redux.

Hac expeditione expleta Legatus Ro-
mam reversus, Mense Januario An-
no sequenti Victorum more in urbem
ovans

(*) *Hac Continuator inepit ex Spondano de-
scripsit, sensum illius, ut videtur, nequaquam
affecutus; hic enim ait: nostri Ataliam adorti
occupato per vim portu defendantibus acriter
Turcis re infecta abierunt, quæ quantum a
versione Continuatoris aliena sint, nemo non vi-
det, idem habet Onuphrius in vita Sixti IV.
ex quo ea Spondanus deponit.*

ovans ingreditur, secumque viginti quinque Turcas captivos totidem generosis equis insidentes, ac duodecim camelos hostium spoliis onustos in victoriæ trophyum dicit; vexilla quoque, & signa non pauca de Turcis capta præferri jubet, partemque catenæ ferreæ, qua Ataliiæ portus claudebatur, refractæ ante fores Ecclesiæ Vaticanæ suspendit. Moncenigus autem in Peloponeso hyberna acturus substitit, nec tamen otiosus; quippe in portus & circumvicinas insulas identidem populabundus excurrebat. *Omnium ferme, inquit Onuphrius, constans fama erat, Christianos eo anno magnam Asiæ partem occupaturos fuisse, si ipsi mari, quemadmodum Rex Persarum terra, Turcas vexare voluissent.*

§. CXXXII.

Usumcassani victoriæ contra Turcas.

Rex ille Persarum haud alias fuit, quam Usumcassanus, qui jam dudum bello adversus Turcas implicatus, cum ingenti exercitu sexcentorum ferme armatorum millium qua equitum qua peditum in eos movit. Sub idem tempus delatae sunt ex Græcia ad Pontificem literæ, quibus nuntiatum, Trapezuntinam urbem ab Usumcassano fuisse expugnatam. Has ipsas literas Papa in S. Cardinalium Collegio D d 4 reci-

Papiens.
epist. 454.

Michou. l. 4.
cap. 69.

Leunclav.

Pandect.

Turc. n. 76.